

新修志書序



國有史家有乘郡邑各有志
載在洪編者益日星爲昭也
邑罹兵火二十餘年舊志灰
燼與烟塵共盡者非一日矣
余自甲午任事之初卽遍搜

舊本斷簡殘篇無復有存焉
者每思採輯成書以補缺畧
然有志而未逮也辛丑春奉
檄纂修以勦鉅典余又安敢
以謏陋遜謝弗勉焉從事哉
爰是暫輟案牘殫力編纂兼

廣詢博蒐以備採輯凡山川
人物田賦土產以洎薦紳出
處節孝姓氏之詳歲時荒歉
水旱蝗蝻之變或諮諸故老
或攷之碑記頗得其槩余爲
之編年紀事據實求真管而仍


各以已意論斷之閱旬日帙
成庶幾哉數十載久墜之典
於今大備云若夫固陋弗文
繁蕪漶漫一開卷間未有不
爲大方所嗤者修飾潤色之
功是所望於後人

順治辛丑春知延川縣事太

原劉

穀撰





縣境圖

未平鎮

界守舖

永安里

寒沙寨

酒店舖

永慶里

驛倉
察院
文安驛
馬神廟

官廳舖

廣武亭
龍王廟

白衣庵
二聖廟
縣署

縣倉
關帝廟
文廟
馬神廟

城隍廟

察院

東山
永富里

延水寺


永寧里

惠羊


惠羊

[Faded vertical text columns, likely bleed-through from the reverse side of the page]


縣治圖



城圖



儒學圖



延川縣志目錄凡例

諸圖

縣境圖

城圖

縣治圖

儒學圖

地理志

建置

分野

形勢

疆域

城池

山川

古蹟

風俗

宮室志

縣治

公廨

倉庫

草場

牌坊

祠廟

郵亭

舖舍

演武亭 集市 養濟院 義塚

學校志

文廟 社學

壇壝志

南壇 北壇

津梁志

渡口 橋梁

田賦志

戶口 田賦 里甲 課程 物產

職官志

一官秩考 名宦 邑令 邑博 邑尉

驛丞

人物志

鄉賢 徵辟 科目 貢選 例監

一孝行 貞烈

災祲志

蝗虫 饑饉 水災

去歲地震

藝文志

延川縣志
題詠
碑記

志凡例畢

一凡宮室等舊存今廢者不書有關鉅典者方存其名
一凡職官人物見存者祇列其姓氏履歷不加品評蓋
以俟後之論定焉

一凡未入名宦鄉賢者各隨其善之大小以類紀於各
名之下用昭激勸

一凡孝子節婦未經
題旌者皆採訪載入以勵後世

目錄凡例畢

延川縣志卷之一

太原劉毅纂修

地理志 建置且
堡墩墩

分野
山川

形勢
古蹟

疆域
風俗

城池

建置沿革

延川縣古朔方地也禹貢雍州之域春秋時為白翟所居
秦為臨河縣隸上郡漢初仍舊名西魏改為文安縣旋改
為文安州隋開皇初郡廢改為延川縣取境內延水為名
大業中改為文州唐武德二年更名曰基州貞觀八年州
廢復為延川縣五代或邑或郡弗一宋仍名延川縣隸彰

武軍元因之明洪武二年底定全秦仍為延川縣隸延安府

皇

清定鼎邑名沿舊號未易仍為延川縣隸延安府

分野

漢書地理志曰自井十度至柳三度為鶡首於辰在未是為延之分野

形勢

本邑西南倚山東北臨壑延水襟帶層巒登翠屹然巖邑古今餉道

疆域

縣境東西相距一百五十里南北相距一百五十里延袤約三百里四至東至黃河七十里西至延長縣界九十五里南至宜川縣界二百里北至清澗縣界十五里八到東到山西永和縣一百三十里東南到山西大寧縣一百九十里西到延安府一百九十里西北到安定縣一百四十里南到宜川縣二百三十里西南到延長縣一百二十里東北到清澗縣六十里東到山西石樓縣一百七十里遠到西到慶陽府八百一十里

延川縣志 卷之二
西南到鄜州三百七十里到會城九百二十里 北到榆林鎮四百四十里東北到京二千一百七十四里

一城池

邑城本元故址週圍五里高五丈建東南北三門東門號水門旋塞之明正統間邊圉戒嚴邑令王坦爲固圉計將西山一段截斷棄之築垣南北聯絡嗣是以石砌瓮城者邑令陳文是也捐贖助工者兵憲方公是也越數十年相繼重修者爲邑令金棟王行仁武之屏毛儲元四公我清戊戌夏北門樓傾頽知縣劉毅捐俸庀材諏日興工委義

民馬懷忠等總其事落成頗速庚子夏霖雨連綿河水暴漲邑城東北之被水衝塌者以一百五十丈計知縣劉毅捐貲覓夫役四十名鳩工修築委縣尉李欽與義民楊鎮董之不數月間告竣金湯屹然

堡墩

邑境內建堡三一爲

文安驛堡在城西三十里明嘉靖丙午參政張公諱愚者委邑令王世相金棟相繼築之建二門門上各豎房有碑記一爲

永平鎮堡在城西北一百里古永州城是也金皇統二年
修寨一所明邑令王世相金棟相繼改修接連古寨憎其
式廓又建兩門門上各豎房有碑記一為
禪梯嶺堡在城西七十里明嘉靖甲寅撫憲張公諱行者
委邑令王行仁偕延長令協力築城城內建房三楹公館
一所越數歲郡太守建真武廟堡以內洎堡外川長兩邑
壤地交錯

邑境內建寨十一為南山寨在城南一里一為馬家山寨
在城西滴水舖一為梁家山寨在城西文安驛一為蒿岔

峪寨在蒿岔舖西一為整子山寨在城西豐年舖南一為
惠峯寨在城東南九十五里一為曲指覺寨在城西北
五十五里一為寒沙神寨在城西北一百二十里一為冷
泉寨在青平里張家村

邑境內墩臺二十七處○社稷壇在城外西北隅○白家圪塔

墩在城外東北隅○西山墩在城西城外○禪梯嶺墩在嶺南因築寨遷墩於堡中○

南山墩在城南寨山○東山墩在城東北○盧家山墩在本邑北界東○郭

家山墩在滴水詹山○劉家山墩在紫山舖南○馬家山墩在文安驛南

寨子山墩在蒿岔舖南○文塚山墩在唐家舖南○楊家山墩在蒿岔舖

三

南 ○烟洞山墩 在酒店舖南 ○豐年山墩 在豐年舖南

以上各墩舊制低隘明嘉靖壬子參政朱公增築高壘

四圍作堵

土峪岔墩 在本村 ○楸樹山墩 在城西三十五里劉家圪塔 ○寺村墩 在城

西北六十里寺村

以上四墩明嘉靖壬子參政朱公創修

楊家山墩 在城西北五里 ○飄頭山墩 在城西五里 ○西立山墩 在城西

水 ○石磴山墩 在西山舖西五里 ○高家山墩 在棗林舖西五里 ○塚子

山墩 在唐家舖五里 ○山墩 在酒店舖西五里 ○郭家山墩 在城南郭家灣

以上各墩明嘉靖二十六年邑令金棟增築

山川

青眉山 距縣七十里在青州岔後魏時有吐蕃青眉族居此 ○南山寨 距縣一里元執院張廷祐

築寨屯兵 ○禪梯嶺 在城西七十里係縣境扼吭要口中 ○東

峯山 縣東土建真武廟三月三日士女進香 ○縣河 由縣城外流入黃河 ○苽川 由文安驛

流入縣河 ○小瞿唐 南為崗北為阻中有石澗澗形甚隘前高後下水由上下流清濤湍急噴

湧如雪故以小瞿唐名雲間張文藻於石磴上鑄有山水奇處四字其字陟半阜方獲見之

古蹟

石油井 產縣北地名石油溝六月取之可以療瘡

响水潭

俗傳夏王葬潭底其上建夏王廟遺址猶存邑人遇旱乾祈禱詣潭取水

白浮圖寺

距縣六十里寺前有七塚邑人相傳以為夏王疑塚云惜未見諸史傳姑存之以備考

風俗

人勤稼穡俗尚鬼神不崇侈靡頗習章程性朴少文質任

自然差有三古遺風

地理志總論曰余於公餘之暇每歲驅車四出延訪民艱

嘗歷覽山川遍周原濕凡邑內山砦村墮與斥堠相望之

處其得之身經日擊者蓋匪朝伊夕矣今彙帙紀之綜厥

勝槩而知全秦百二山河中邑居其一然在德不在險之

論自古道之而險又安足恃耶勸耕作以厚本根明禮義以興教化斯固聿修厥德之實政也司牧者其劭諸

宮室志

縣治 郵亭

公廨 舖舍

倉庫 演武亭

草場 集市

牌坊 養濟院

祠廟 義塚

興史縣治

縣治在城北大阜本歷代故址元至治元年邑令王恪增

修明洪武三年主簿王佐齋印抵署拓堂宇葺門樓景泰

間邑令李琮重修嘉靖間邑令宋大本重修萬曆間邑令

劉宗禮暢揚王立身重修

皇清順治己丑春巨憨王永強作亂將署內前堂焚燬邑令

錢茂秦於辛卯歲捐貲修建歷三月始告成焉堂宇規模
弘厥壯麗攸暨是賴經營之勞良不可泯茲將新修堂宇
並厚存宅舍紀之於左

知縣前堂五楹邑令錢茂秦題○後堂五楹其堂曰觀民堂

宅一所大皇本初六始於五生

典史廳三楹年久圯甚知縣劉毅於丁酉歲捐俸助縣尉盧裕重修

宅一所

儀門○東西角門○戒石碑○六房

賓賓館明萬曆間邑令蘇廷建知縣劉毅重修

大門鼓樓三楹明成化年間邑令賀瓊建年久坍塌知縣劉毅於庚子秋重修

土地祠在儀門外○獄一所在木門西○旌善亭明隆慶間邑令王積建今弗存

申明亭明嘉靖間邑令宋大本建今弗存

公廨

察院在城內東南隅明洪武四年邑令馬憲建嘉靖間邑令宋大本重修萬曆間邑令暢楊蘇慶王立身重修

察院大門西舊有公廨一所兵燹頽壞知縣劉毅於已亥秋建庭三楹委縣尉李欽董其事告成頗速故

布政司署在城內東北隅舊文安驛也明正統六年邑令張輔改建今坍塌隙地內改建準提庵

府署在縣治中街迤北明成化間建今弗存

府署

倉庫

預備倉

舊在縣治西兵變拆毀今改建於縣堂西

官庫

舊在縣堂東兵變拆毀今改建於縣二堂西

草場

舊在縣治西明季寇毀其垣知縣劉毅於庚子秋捐俸僱夫四面築牆中建門樓一座以為貯芻場

牌坊

宸翰坊

在南街邑人石可久登明萬曆戊子科鄉薦建

恩榮坊

在西街邑人高昌胤仕明內府中書科建明癸未各逆闖有毀坊之令高公懼書文廟二字於坊遂獲

存

萬代宗師坊

在文廟前明邑令王萬選建年久坍塌知縣劉毅於戊戌春重修邑庠生王家禎趙士奇劉有恒高佳胤董之

董之

祠廟

關帝廟

在中街

二聖廟

在街北

城隍廟

在西南隅年久傾頽知縣劉毅於庚子秋捐貲重修邑庠生張昌期義民馬鳴鳳楊鳴鳳董之有碑記

記

八蜡廟

舊在城西北原年久圯壞

東山寺

在城外河東

南寺

在邑城南

郵亭

文安驛舊在縣治東北隅卽布政司署是明正統間邑令張輔遷於棗林鎮嘉靖丙午歲兵憲張公愚築城己未年王公崇古增修公廨倉詳見碑記兵燹後民舍兵墟公署灰燼知縣劉毅於辛丑春捐貲營繕命縣丞吳昇翰督同義民張從善董之建大門門堂宇寢室吏胥室厥制與縣署同有碑記

舖舍

凡急遞舖舍每一十五里設置一所誠重之也隸攷縣制設舖舍有十一曰總舖在縣北二里一日清泉舖去縣西十里一日紫山舖去縣西二十里一日棗林舖去縣西三十里一日葦子舖去縣西四十里一日唐家岔舖去縣西五十里一日蒿岔舖去縣西六十里一日酒店舖去縣西七十里一日豐年舖迤南五里爲延長縣界一日界守舖迤北爲清澗縣界今稽舊舖舍悉圯場靡存惟有縣總舖與蒿岔峪舖爲重建總舖距城伊邇兵燹毀之

皇清順治四年署縣事鄜州倅汪養乾建庭三楹厨舍門樓墻垣具舉蒿岔峪舖距縣六十里兵燹毀之知縣劉毅於順治己亥春捐俸庀材鳩工營造命義民李光胤督之建

中庭三楹東西室各二楹繕扉築垣匝月告竣延長令舒
暢捐俸協工有碑記

演武亭

教場演武亭 距城北一里邑令段朝陽改建

集市

縣集 每月逢四九日商 賈輻輳日中為市
文安驛集 每月逢三八日商 賈輻輳日中為市

永平鎮集 今廢
青州岔集 今廢

養濟院

養濟院 舊在城南西街邑令陳士道遷北城外今舊址無
存負郭內有陶復陶穴安插孤貧居之

義塚

塚在城西二里地名漏澤園明天啟二年邑令張爾儒捐
俸置地知縣劉毅於順治戊戌春捐俸再置義塚一處地
名關家坪距縣二里在官廳舖前有碑記

宮室志總論曰易云上古穴居而野處後世聖人易之以

宮室此輪奐之設所自始也由一家而計之一畝之宮環

堵之室可以棲遲由一邑而推之則凡邑之公廨府庫與

精舍郵亭以暨闔閭奔狴固缺一不可者也邑制大者畢

舉其餘不無缺畧之憾蓋緣己丑之春邑遭兵燹最慘一

時修舉維艱除衙宇牌坊舖舍余與前邑令錢公署邑事
州倅汪公後先修建外尚有數處未備者如旌善申明三
亭演武亭八蜡廟俱未遑營建是不能不俟諸後人云與

學校志 文廟

社學

文廟

文廟舊址在甯關街東宋遷於城內西北隅元知縣康倫麻

安上王恪建明知縣張友李琮楊盛王永清趙憲金棟相

繼重修

先師殿五楹 塑像

東廡西廡各七楹

啟聖祠三楹

戟門 左右甬路邑令王思創修

泮池 舊無知縣劉毅於丁酉夏捐俸創營命書於泮池東橋
趙士奇劉文光劉有恒督之有碑記

櫺星門

名宦祠

鄉賢祠

明倫堂五楹 舊三楹明邑令王行仁增二楹
順治九年邑令錢茂秦重建

敬一亭 在明倫堂右

博文齋 年久圮壤

約禮齋 年久圮壤

祭品

銅爵九器

明成化丙申本府太守羅蘭造

社學

社學在縣治西明萬曆乙未邑令王立身重修延師教民間子弟讀書今社學坍塌知縣劉毅捐俸假館選庠生趙士奇為社師歲給脯資俾士奇訓迪童蒙延民之就學者自是日衆絃誦不絕聲徹黨塾

學校志總論曰學校者人才所自出之地也上世有上庠下庠之名而後代仿之詔天下郡縣遍設學校天子之學

曰辟靡郡邑之學曰庠序由是窮鄉僻壤靡不有學於都盛哉我

清鼎建學校之設猶夫昔也而崇儒重道之風實遠過之凡廁名學校者烏可不顧名思義以爭自濯磨也哉余願多士砥節厲行不愧父生不負師訓庶弗失國家廣勵學宮之意也夫

壇壝志

南壇 在城南半里許

北壇 在城北高崗

壇壝志總論曰聿稽祀典南壇者古之所謂祭天禱雨之

處是也北墟者周之所云廼立塚土者是也二者皆一邑
根本之地有祠歲時享祀于豆于登遂足致居歆乎盡人
事以合天地是為克禋克祀之實固不在乎區區奠瘞之
文也

津梁志

橋梁

渡口

橋梁

通濟橋

在南門外邑令賀瓊建

惠民橋

在城南關外邑令賀瓊建

弘濟橋

一名乾橋在城西五里

渡口

延水關渡口

在城東南七十里渡黃河即山西永和縣界

漩窩渡口

在城東北六十里渡黃河即山西隰州界

清水關渡口

在城東南八十里渡黃河即山西大寧縣界

馬家河渡口

在城東南九十里渡黃河即山西大寧縣界

津梁志總論曰邑之中有津以通舟楫有梁以利攸往津
梁二者周禮載之是亦王政之一端也黃河固稱天險而
橋梁必歲加修葺迺弗廢墜邑人十士其留意焉

田賦志

戶口

田賦

里甲

課程

物產

戶口

邑原額戶九百九十戶丁一萬二千三百五十四丁今實
在戶三百二十戶實在丁二千三百八十五丁共徵銀一
千五百五十四兩四錢五分五厘九毫三絲七忽六纖○各
色匠役三十二名每名徵銀四錢九分五厘

今絕戶甚多

田賦

邑原額折正地九百五十五頃二畝三分係以四畝合算
一畝每畝科本折糧八升九勺二抄五撮五圭八粟內除
拋荒召佃減納外每畝科本折糧七升六合五勺一抄四

撮三圭三粟一粒共徵本折糧七千三百七石二斗九升
四合五勺六抄九撮今除荒地六百一頃二畝三分八厘
外熟地三百五十三頃九十九畝九分二厘共該徵本折
糧二千七百六十四石七斗七升七合六勺六抄七撮三
圭六粒內本色起運糧二千一百六十五石六斗五升三
合九勺五抄九撮存留文安驛倉糧二百六十七石五斗
四升四合三抄六撮六圭八粟八粒官學倉糧一百七十
五石二斗三升二合四勺四抄六撮五圭每石折銀六錢
共折銀一百五兩一錢三分九厘四毫六絲七忽九微折

色糧一百五十六石三斗四升七合二勺二抄五撮一圭
一粟八粒共徵折色銀一千六百一十二兩七錢八分八
毫五絲三忽五微六纖三塵五渺

以上人丁地畝共徵銀三千二百六十八兩三錢七分

大厘二毫五絲二忽二微二纖三塵五渺

里甲

本色原編戶九里每里十甲每甲以十一戶附之明季兵
燹後斷甲絕戶逐里皆然是時奉檄歸併邑令羅燿以九
里併為四里一名永慶里一名永安里一名

永寧里

課程

各色課程銀六兩八錢三分六厘九毫七絲遇閏加徵銀
五錢六分九厘七毫四絲七忽五微

物產

穀屬

黍

有軟硬二種有丹黑二色境內種者頗多歲獲頗蕃是以他邑之嘲延者有米麵團團之戲

梁粒細色白

麥種分春秋二麥

稷炒熟頗佳

豆

有黑黃綠紅扁小七種

芝麻

麻子○扁屬

麻

棉花○菜屬

紅棗

沙菓○菜屬

芥葉有花頗佳

蔓菁

茗苳

胡蘿蔔

蕪菁

南瓜

瓠

每歲種 ○水族 鱉 邑東南地名黑水科有池產鱉 蝦蟆 ○木屬 松

栢 楊 青白二種 桑 楸 ○花屬 牡丹 薔薇 鷄冠

牽牛 ○藥屬 酸棗仁 知母 黃芩 大黃 柴胡

天門冬 遠志

田賦志總論曰凡邑之中地大而不理命曰土滿人衆而
不理命曰人滿土邑有土無人斂斂子遺雖輸將恐後其
如賦重難堪何故舊乘本邑原額戶九百九十戶人丁一
萬二千三百五十四丁今現管戶祇三百二十戶現在丁
二千三百八十五丁原額地九百五十五頃二畝三分今

成熟地及有三百五十三頃九十九畝如許之多而知日
前生齒日耗田賦日增延之民又安得不貧且困也揆厥
厲階大率壞於屯田之法邑地本四畝折一與屯使者計
畝起糾遂遺民累幸 聖明始書 宜賦縣 宜賦縣

藩臺陳 於己亥春入 覲為民請

命具有秦地折正宜仍舊額事一疏 部覆行查余漚心為

文備陳

當路者業經詳允候

題小民十餘年來極重難返之困或可冀其稍蘇乎

職官志

官秩考

名宦

邑令

邑尉

邑博

驛丞

官秩考

粵稽周禮設官分職始立縣正之名使掌其縣之政令而賞罰之春秋時列國各以其地為縣縣邑之長謂之大夫秦置郡縣漢因之至唐廼有赤畿望緊上中下之差由宋汜元亦有上中下三等明倣舊制置知縣一員品階正七

皇清御極知縣銜仍舊名

漢縣有尉主盜案發效究魏以後皆因之隋分為曹唐沿隋制後復為尉五代時汰尉弗設盜賊蜂起宋仍置縣尉

一員在王簿下間以武臣為之元置尉捕盜鑄給印信明初更尉為典史專司捕盜

皇清御極典史銜仍舊名

漢郡國有文學掾即博士助教之任也唐州縣各置一學上縣博士一人助教一人至宋惟州郡置教授或用兼官或舉士人猶未有定例也熙寧時委中書門下選差教授始命於朝矣元置教授亦止各路明初每邑置教諭一員訓導二員嘉靖年將訓導缺裁止留教諭一員

皇清御極教諭銜仍舊名

皇清御極教諭銜仍舊名

古者郵政之設必有專官曹風之所謂候人是也後世仿其遺意凡於

皇華孔道設有驛驛之中置有丞以司傳命

名宦

元

王恪 京兆人延祐七年任創縣治堯公解其學校經營著績至今稱之

劉宗禮 直隸大名縣人由選貢嘉靖三十四年任兼能公正勤於政務凡農桑學校殫力興舉有古循良風

邑民至今思之

毛儲元 湖廣常德衛人由舉人隆慶四年任潔清自治也法不搖奉文修城董率有方不數日即成

永固奕世賴之陞綏德州知州尋陞江南揚州府少尹編緝邑人攀轅臥轍者以千計

邑令

元

康衛 定宗時任

麻安上 大德六年任

王恪 京兆人延祐七年任祀名宦政績見名宦志

萬欽 至正三年任

明

馬憲 浙江武康縣人以經明行修薦舉洪武四年任

張友先

著績

四川通江縣人由太學生洪武年任撫民有方修學

馬元

北直隸真定府人

郭禎

正統元年任

張輔

正統六年任

王坦

正統年任

李柰

景泰間任

賀瓔

法如山

山西寧鄉縣人由歲貢成化二年任愛民猶子執

龐志

成化十二年任

楊盛

成化年任

合通

成化年任

王信

順天府人成化二十年任有惠政調繁西安成化

段繼

成化年任

宋華

山西交城縣人由舉人正德二年任剛斷有為

艾吉

弘治間任

趙忠

山西交城縣人弘治七年任

王永清

直隸遷安縣人由舉人弘治八年任豈弟存心凡事寬和秩滿致政詳見碑記

聶純

山西壽陽縣人由監生弘治十六年任

張綸

山西陽城縣人由舉人正德二年任剛斷有為

陸 麟

山東歷城縣人由舉人正德三年任聽訟明決

趙 憲

遼東蓋州衛人由歲貢正德十四年任

陳 文

湖廣麻城縣人由舉人嘉靖五年任水蘄有聲尤工於詩陞華昌府通判歷陞戶部員外兼府長史

陳 沂

四川慶符縣人由舉人嘉靖八年任慶謹仁恕不尚威嚴歲侵公發廩賑貸全活者衆卒染疾下邑人悼之

宋大本

直隸新城縣人由舉人嘉靖十年任豈弟及人真誠任事革羨餘剔弊實一切興除事宜悉綜理無遺年饑公煮粥貸粟設法救荒饑民之賴以全活者數百人行取考選授山西道御史

朱廷弼

山西保德州人由歲貢嘉靖十六年任存心仁恕處事公平

吳術德

萬全都司懷來衛人由歲貢嘉靖十七年任明敏陞河南備輝府通判

李彥璧

直隸涑水縣人由歲貢嘉靖二十一年任

王世相

山西安邑縣人由監生嘉靖二十三年任學富清箱操禦冰王

金 棟

四川富川縣人由舉人嘉靖二十六年任老成持重政務諸練陞湖廣靖州知州

王行仁

直隸南樂縣人由歲貢嘉靖二十九年任操守亦潔

劉宗禮

直隸大名縣人由選貢嘉靖三十四年任祀名宦政績見名宦志

王尙志

山西趙城縣人由選貢嘉靖三十八年任

陳毓賢

順天遵化縣人由歲貢嘉靖四十一年任清絕一塵才周四應

齊堯智

直隸慶雲縣人由歲貢嘉靖四十三年任剛直廉幹吏胥奉公疆禦昇迹

武之昇

山西汾州府人由歲貢嘉靖四十五年任

王禎

山東館陶縣人由舉人隆慶二年任廉謹有守儀禮子衿

毛儲元

湖廣常德衛人由舉人隆慶四年任陞統德州知州祀名宦政績詳見名宦志

王源宗

直隸趙州人由歲貢隆慶六年任

暢楊

山西太寧縣人由歲貢萬曆二年任修官亭葺廟宇陞陞西安府同知

劉真寬

山西安邑縣人由舉人萬曆八年任受士恤民政從簡易好弊悉除吏民畏服陞江南徐州知州士民攀留泣下不忍別

彭應元

四川筠連縣人由歲貢萬曆十四年任德性和平操守清慎

蘇鹿

山東益都縣人由舉人萬曆十六年任嘉惠斯文招徠流移真心實政至人頌之陞鄭府審理士民赴各憲保

留弗允

留弗允

段朝陽

順天文安縣人由歲貢萬曆十八年任有惠政民稱慈母

王立身

山東利津縣人由舉人萬曆二十年任苗茂性生體儀正與學校有重其才無燕耽必先無告送

子亦府

王萬選

山東黃縣人由選貢萬曆二十六年任遇事周旋有定議公餘課士本無恩容深夜夜於任品

八傷

陳三

山西介休縣人由舉人萬曆三十年任捕奸發伏風采察然至於為民而盡凡一切教養事宜皆悉

心圖之不數日邑大始合憲錄嘉號請調繁清湖

王思

直隸曲陽縣人由選貢萬曆三十一年任

吳世繼

山西襄縣人由貢生萬曆三十八年任

張端範 北直涇縣人 嘉靖四十一年任 世剛正 為本州守 職士民究之

陳其象 北直無清人 由貢生 崇禎十四年任

李廷薦 山西太原府人 由舉人 萬曆四十五年任 清慎明

楊汝樞 山西侯馬人 由貢生 萬曆四十八年任

張爾儁 河南西華人 由貢生 天啓二年任

梁 河南臨潁人 由貢生 天啓四年任

史永格 河南偃師人 由貢生 天啓六年任

王道行 河南當塗人 由貢生 崇禎二年任

羅 山西清源縣人 由舉人 崇禎三年任 學有本 重金王維時 兵屬士 寇披猖 所在 悉被焚 却本邑

尤甚 邑境四面皆賊 孤城晏受 圍困 閭閻 人心 征 松公 毅勵 紳衿 訓練 民壯 荷戈 城頭 誓衆 死守 竭 力堵禦 克保 無恙 公居 北門 城樓 者五年 終歲不 返署 真一時之 勞吏也 陞西安府 同州 知州 歷陞

戶部 郎中 仍錄用 授西寧 兵備道 副使

王廷俊 山西解寧縣人 由貢生 崇禎三年任

李廷駿 河南汝寧府人 由貢生 崇禎七年任 工詩 學愛士

孫 伸 山東昌邑縣人 由歲貢 崇禎十四年任

皇清

劉嗣向 山西平陽府蒲縣人 由功貢 順治四年任

錢茂奉 浙江寧波府慈谿縣人 由進士 順治七年五月二 十九日任 允事 紓徐容 與而一 以鎮密 出之 如修

堂宇建倉厥明倫堂不費公帑一粒而若心經營
後人賴之至今轉運供億先事籌畫尤為得法
大兵雲集府谷之際飛馳不絕源源接濟以資包
騰可謂轉輸有功十一
年五月陞山西平陽府同
升

劉毅 山西太原府保德州人自順天府工部科副榜順
治十一年八月初九日任愛士恤民情謹和怡蒞

政八載諸廢悉舉歷署延長宜川縣事紀錄三次
獎三 次順治十八年五月內陞廣東廣州府連州
升州

李如模 關東鐵嶺衛人自戊子貢順治十八年八月十三
日任節儉力行惺惺作人米薪悉出自辦惟飲延

木糲恤小民疾苦起幾回生且建買倉厥而囊金
罄輸錫俸築城而金湯未賴至於調停驛站裁革
里村招撫流移優禮紳衿尤司牧之節僅見者是
以一 方民歌慈母德政勒諸貞紙

典史

明

張晨 天順三年任

高旺 成化三年任

李旭 成化十四年任

武英 成化十四年任

陳義

薛棟 山西太平縣人弘治十四年任

王玉

惠民

直隸撫寧縣人正德三年任

姚鳳

山西蒲州人正德六年任

吳受

河南葉縣人正德十四年任

周玉

山東德州人嘉靖六年任

毛文

山西夏縣人嘉靖八年任

楊森

四川長寧縣人清慎

蔣經

直隸元氏縣人嘉靖十三年任

席瓚

山東樂陵縣人嘉靖十七年任

閔紹

四川眉州人嘉靖二十七年任

曹漢

直隸獻縣人嘉靖三十四年任

石文舉

直隸雄縣人嘉靖四十年任

李輔

山東臨清州人嘉靖四十四年任

雷廷龍

湖廣人隆慶三年任

汪仲解

四川資縣人隆慶五年任

王從夏

山西徐溝縣人萬曆三年任

呂宦

直隸撫寧縣人萬曆七年任

賈以忠

直隸人萬曆八年任

張易智

山西萬泉縣人萬曆十五年任茹茶飲冰有守有為歷四任服官二十餘年初終弗渝縣尉中不多

見者陞王府典史二十餘年陞府典史與命陞府典史不
儀士民皆之

曾 賓 湖廣人萬曆十九年任

蔡廷喬 福建莆田縣人萬曆二十年任歷俸三年癸七次
陞江南徽州府司獄

陳 煥 四川長壽縣人萬曆二十四年任

陳 煒 江南鳳陽府人萬曆二十七年任

陰 行 山西平遙縣人萬曆三十年任

陳應鯉 湖廣人萬曆三十八年任

莫若毅 浙江人萬曆四十六年任

楊邦材 河南河內縣人天啟二年任捕務諳練材具優長

聞君召 江南桐陵縣人崇禎四年任曉暢文義通達治體
城守尤著微勞

吳體儀 湖廣蘄州人崇禎八年任

牛應元 江南合肥人崇禎十年任

趙璧完 北直完平縣人崇禎十二年任

趙一元 河南陝州人崇禎十四年任

清

張廷試 北直順天府大興縣人順治七年任

盧 裕 北直順天府大興縣人順治十二年任陞河南宜
陽縣務冊巡檢臨事敏捷頗稱有為

李 欽 直隸順天府薊州忠義衛人由吏員順治十六年
任

教諭

元

何述

至正年任

明

梁溥

山西稷山縣人由舉人弘治十三年任樸範端凝學問沉深以芭經誨士講案不輟歷陞秦府長史

楊克敬

直隸元氏縣人由歲貢正德十三年任

陳昂

河南封丘縣人由歲貢正德十五年任

王士元

直隸定州人由歲貢嘉靖十年任

裴崇棠

四川墊江縣人由歲貢嘉靖十五年任

王崇智

四川儀隴縣人由選貢嘉靖二十五年任深明易理日與諸士討論與肯以抉精微至於捐輸賑恤不惜阿堵尤為首宿所難惜乎振鐸僅九月遂染疾歿

范坤

山東諸城縣人由歲貢嘉靖二十年任

江璽

四川城都衛人由歲貢嘉靖二十二年任

余恒絮

四川廣安州人由歲貢嘉靖二十三年任以立雪之志守官風清首宿以映月之心教士燭照青藜

莫汝能

四川保寧守禦千戶所人由歲貢嘉靖二十七年任長於詩賦

范廷用

山東高密縣人由歲貢嘉靖四十三年任陞萬金都司教授

王介

直隸新安縣人由歲貢嘉靖四十三年任修學課士儒林翹楚

王崇儒 山西高平縣人由舉人隆慶二年任折鹿談經解

包武涵 山西岢嵐州人由歲貢隆慶二年任

其八兩 平涼府鎮原縣人由歲貢隆慶六年任

朱文奎 直隸遵化縣人由歲貢萬曆三年任

朱邦臣 山西臨汾縣人由歲貢萬曆四年任陞西安府

全朝 西安府鄜縣人由歲貢萬曆九年任振鐸有方於

蓄俸米數十石易以重修文廟時瘟疫流行諸生

有染疫者必躬詣疹視為之調藥餌以療之陞山

西應州 學正

宋應登 山西平順縣人萬曆十三年任陞山西岢嵐州學

葉定 河南許州人由歲貢萬曆十八年任

王助 山東安東衛人由選貢萬曆二十年以知縣改

續大榮 山西澤州人由選貢萬曆二十一年任學問淵

王廷選 直隸遷安縣人萬曆二十五年任平易近人沈靜

恬雅多士之被服其教者如坐春風和氣中陞直

隸通州 學正 臨洮府河州人由選貢萬曆二十九年任

薛養性 西安府韓城縣人由舉人天啓五年任陞山西汾

李如桂 山西石樓縣人由歲貢天啓七年任

蒲敏生 鳳翔府隴州人由歲貢崇禎二年任守已恬淡無

營謀士講實有法

胡來廷

西安府人由歲貢崇禎九年任

宋明徵

慶陽府寧州人由歲貢崇禎十二年任

皇清

崔柱

西安府同官縣人由歲貢順治十年任十一年署
探篆忠厚和平允堪模範

梁凌雲

西安府富平縣人由歲貢順治十四年任陞靖邊
衛教授英標王立介節霜清多士畏服

閻和羹

西安府韓城縣人由歲貢順治十七年任

皇清

驛丞

以前不可攷

周紹護

浙江紹興府山陰縣人由吏員順治九年任陞廣
東潮州府程鄉縣豐順巡檢郵傳廉潔勤恪可嘉

吳屏翰

浙江紹興府山陰縣人由吏員順治十四年任

秩官志總論曰國家設官分職各有攸司為吏者必循名

課實恪修職業而後吏治克舉今詳稽往牒歷闕碑記邑

令如王劉毛羅諸君子功在當時澤垂後世固所稱循良

之最者自邑令而下尉如楊張三公以清慎贊政博士如

梁王余續諸先生以經學訓士是皆與前令分猷共理之人以治此一方者也先型匪遙芳躅猶存後之人既已耳而目之可弗思所以彷彿之哉余與邑之諸同事者願勉

旃

人物志

鄉賢
例監

徵辟
孝行

科目
貞烈

貢選

鄉賢

明

高懷敬

洪武間以人才薦舉任北平府照磨尋陞湖廣按察司副使建文中僇職永樂初召復原官公詣京陛見憐公老賜勅准致仕公歸里恪遵勅諭教訓子孫勸鄉民為善邑人化之者多後世思之

祀鄉賢

李表

由貢生嘉靖間任山東霑化縣縣丞陞山西蔚州判官復陞北直沙河縣知縣服官廉潔居家孝與人恭輿論允孚月旦其人推至今仰止祀鄉賢

徵辟

明

高懷敬

事實見鄉賢志

劉文質

洪武間以人材薦舉任江南穎上縣知縣

科目

明

白璽

永樂戊子科中式

李勗

永樂辛卯科中式任翰林院孔目

劉文勇

永樂甲午科中式任兵部武選司郎中

李哲

永樂甲午科中式任直隸柏鄉縣知縣陞工部營繕司主事尋陞河南懷慶府同知

劉釗

永樂丁酉科中式任山東莒州判官

劉寬

永樂庚子科中式

楊釗

景泰癸酉科中式任山西長子縣知縣

劉綱

弘治甲子科中式任河南偃師縣儒學教諭

王繼宗

正德庚午科中式任直隸河間縣知縣調高陽縣知縣

王來聘

嘉靖壬午科中式任四川城都府通判

高尙賢

嘉靖癸卯科中式任山西黎城縣知縣

段懷禮

隆慶庚午科中式歷任四川中江縣知縣雲南大姚縣知縣

王守禮

萬曆己卯經魁

石可久

萬曆戊子科由貢生中式任四川納谿縣知縣素守長才一時治績為諸吏最繡衣使者首登薦劄陞湖廣荊州府同知去後谿人思之祀名宦父璫以子貴贈文林郎

高紹光

萬曆庚子科中式任河南鞏縣知縣陞磁州知州復陞山東東昌府同知歷任皆著能聲父棟以子

貴贈文

林郎

貢選

歲恩拔並紀

明

白壁 歲貢任戶部員外

劉德 歲貢任廣東道監察御史

呼子享 歲貢任浙江按察司知事

康真 歲貢任山東嘉祥縣縣丞

馮希曾 歲貢任留守中衛千戶所吏目

高謀 歲貢任順天府霸州同知

高貴 歲貢任萬全都司守禦千戶所吏目

楊潤 歲貢任戶部廣西司副中

劉欽 歲貢任貴州平越衛經歷

劉詵 歲貢任直隸府無極縣縣丞

王朴 歲貢任山西介休縣典史

陳亨 歲貢任直隸青縣典史

呂琛 歲貢任河南宜陽縣訓導

劉澄 歲貢任濬府審理正

楊昌 歲貢

李昂 歲貢任直隸唐縣縣丞陞山西都司斷事

樊鎮 歲貢任山西崞縣訓導

劉勗

歲貢任山東文登縣知縣制行瑞
九十三卒
鄉人推重壽

溫讓

歲貢任四川軍民府照磨

劉文郁

歲貢任直隸海門縣主簿

劉震

正統年歲貢任山西稷山縣主簿

王用

正統年歲貢

張真

正統年歲貢

石璵

景泰年歲貢任山西崞縣訓導

王璧

景泰年恩貢

王佐

景泰年歲貢任河南固始縣縣丞

王敏

景泰年恩貢任順天府遵化縣主簿

張本

景泰年歲貢歷任山東海豐縣河南獲嘉縣主簿

劉碧

景泰年歲貢任浙江臨海縣主簿

曹誠

天順年歲貢任山東曹縣主簿陞河南輝縣縣丞

高翔

天順年歲貢任萬全都司守禦千戶所吏目

楊綱

天順年歲貢

賀榮

天順年恩貢任山東汶上縣主簿

高爵

天順年恩貢任直隸肅寧縣主簿

溫潤

天順年恩貢任山東清平縣主簿

馬 敦 天順年恩貢任直隸定州吏目居鄉有德

關 瑛 天順年恩貢任直隸崑山縣主簿

龐 曇 天順年歲貢任山西大寧縣訓導

劉 通 成化年歲貢

張 善 成化年歲貢

張 紀 成化年歲貢任河南汲縣訓導陞山東兗州府學教授

房 正 成化年歲貢任直隸廣平府檢校

李 柰 成化年歲貢任河南永寧縣縣丞

白 珩 成化年歲貢任河南內鄉縣縣丞行誼端方

馮 簡 成化年歲貢

王 英 成化年歲貢任山東臨淄縣縣丞

石 彩 成化年歲貢任直隸崑山縣主簿

劉 正 成化年歲貢任四川叙州府經歷提躬不苟

楊 璟 成化年歲貢任直隸保安州判官

馬 純 弘治年歲貢

關 傑 弘治年歲貢任順天府三河縣主簿

楊 嵩 弘治年歲貢任山西中護衛經歷

王 爵 弘治年歲貢任留守右衛經歷陞山西隰州同知父仕友以子貴贈徵仕郎

段永 弘治年歲貢

樊冕 弘治年歲貢

楊瑀 弘治年歲貢

劉璟 弘治年恩貢任河南儀封縣主簿

王相 弘治年歲貢任山西芮城縣縣丞

馮哲 弘治年歲貢任河南扶溝縣縣丞

白進祿 弘治年歲貢

樊傑 正德年歲貢歷任順天武清縣河南陽武縣主簿

趙鳳 正德年歲貢任山東歷城縣縣丞

呂明 正德年歲貢任山西臨晉縣訓導

郝繼 正德年歲貢任揚州府檢校行誼端方以子用中貴贈徵仕郎羽林前衛經歷

趙禎 正德年歲貢任直隸滑縣主簿

李表 正德年歲貢任山東霑化縣縣丞陞山西岢嵐州判官復陞直隸沙河縣知縣從祀鄉賢事實詳見

鄉賢志

劉汝川 正德年歲貢任湖廣順陽府推官

李紀 正德年歲貢任河南裕州判官陞雲南浪穹縣知縣

劉秉聰 正德年恩貢

龐綸 正德年補貢

劉贊

嘉靖年貢任山西沁州吏目

高山

嘉靖年恩貢任四川郫縣主簿

曹繼宗

嘉靖年貢任山東萊陽縣縣丞陞四川仁壽縣知縣

楊廷桂

嘉靖年貢任四川新津縣主簿

高玟

嘉靖年貢

馮勅

嘉靖年貢任秦府永壽王教授

郝用中

嘉靖年選貢任騰驤左衛羽林前衛經歷陞四川丹稜縣知縣父繼以子貴贈徵仕郎

劉定

嘉靖年恩貢任四川昭化縣主簿

石璞

嘉靖年選貢任直隸興化縣主簿

白金

嘉靖年歲貢任直隸松江府昭應

劉廷佐

嘉靖年歲貢任山西靈丘縣主簿

劉尙忠

嘉靖年恩貢任四川叙州府南溪縣

劉縉

嘉靖年貢任長蘆鹽運司經歷

楊曜

嘉靖年恩貢任直隸桃源縣主簿

劉大春

嘉靖年歲貢任直隸安肅府知縣

段秉燮

嘉靖年歲貢任直隸內黃縣主簿陞直隸寧夏府知府

李性

嘉靖年歲貢任山西大同府通判

馮繼美

嘉靖年歲貢任山西平陽府通判

馬騰漢

嘉靖年歲貢任江南溧陽縣主簿

曹珊

嘉靖年歲貢

王來宣

嘉靖年歲貢

張世忠

嘉靖年歲貢任山東東昌府訓導

勞世忠

嘉靖年歲貢任四川懷遠縣訓導

王應科

嘉靖年歲貢任山西河津縣縣丞陞崇府肅府紀

郭士元

嘉靖年歲貢任江南嘉定縣主簿陞慶府典儀正

楊士魁

嘉靖年歲貢任江南興化縣縣丞陞鄭府奉祠正

袁登

嘉靖年歲貢歷任河南鄭縣西安府耀州訓導

王三諷

隆慶年貢任西安府臨潼縣訓導陞府教授

趙之卿

隆慶二年歲貢任湖廣潛江縣知縣

劉民聖

隆慶四年歲貢任山西太平縣主簿

趙夢瞻

隆慶六年歲貢

馬騰陽

隆慶六年補貢

劉應諸

萬曆元年恩貢任直隸寶坻縣主簿

楊昇

萬曆二年歲貢歷任平涼府涇州西安府鄜縣訓導陞周府教授

郝士光

萬曆四年選貢任山西寧鄉縣知縣

張鵬羽

萬曆六年歲貢任山西歸晉縣訓導立身端謹居鄉愿恪司訓時澹泊自甘昔宿之外無他求也倦

倦課士卓然先型當年晉寧路謂公有曹月川遺

王士諭 萬曆八年歲貢任四川夾江縣主簿陞山西大原縣縣丞

張烈 萬曆十年歲貢

張邦政 萬曆十年補貢任山西洪洞縣縣丞

石可久 萬曆十二年歲貢戊子科中武

王見知 萬曆十四年歲貢任山西介休縣縣丞

李春榮 萬曆十六年歲貢任山東滕縣縣丞

王之棟 萬曆十八年歲貢任晉昌府秦安縣訓導

石崇信 萬曆二十年歲貢

馬可教 萬曆二十二年歲貢任直隸通州同知陞四川東川府通判

梁三賓 萬曆二十四年歲貢任慶陽府合水縣教諭

張嘉策 萬曆二十六年歲貢任河南滎澤縣主簿

段懷誠 萬曆二十八年歲貢任西安府華陰縣訓導

高嵩 萬曆三十年歲貢任西安府武功縣教諭

馬性敏 萬曆三十一年恩貢任直隸平鄉縣訓導

王之翰 萬曆三十二年歲貢任江南松江府通判秉躬淑慎著作大雅父國柱以子貴贈承德郎

馬良德 萬曆三十三年歲貢任榆林衛訓導陞雲南楚雄府通判復陞山西隰州知州歷官著有清望晉滇

二邦至
今思之

張燕

萬曆三十六年歲貢任直隸魏縣縣丞律已清嚴接物謙光

郝守

萬曆三十八年歲貢

張文運

萬曆三十九年歲貢

馬良知

萬曆四十一年歲貢任山西蔚州訓導陞北直隸廣平縣知縣雅負風節剛直不阿事母孝養叔敬焚券還金古處自尚為庠生時邑博士嘉其行屢薦學使以旌之仕廣平多惠政邑人號為馬母未幾丁內艱遂不復仕教諸子以讀書明理後昆皆成立長任遠任大任父均膺貢選登仕籍李任昌列名子衿森森立竹後先重光邑人以爲世德之報立應說哉

袁三畏

萬曆四十三年歲貢任湖廣常德府訓導

王之麟

萬曆四十五年歲貢任江南鎮江府照磨陞山西榮河縣知縣舉止條然高騫獨步

張其綱

萬曆四十七年歲貢

劉一麟

泰昌元年恩貢任河南宜陽縣縣丞

郝正芳

天啟元年恩貢任河南衛輝府通判陞山西大同府左衛同知復陞四川馬湖府知府里閏嘉其孝行服官著有才名父愨以子貴贈大同府左衛同知

王之儒

天啟元年歲貢

張所養

天啟三年歲貢任北直瀋縣訓導陞香河縣知縣

王光增

天啟五年歲貢除授寧夏衛訓導未仕

張佳士

天啟七年歲貢任河州訓導陞韓城縣教諭復陞平陽府教授

梁兆斗

崇禎元年恩貢任廣西南寧府推官降補滄州鹽運司知事陞山東定陶縣知縣

劉一王

崇禎元年歲貢任山東蓬萊縣縣丞陞北直丘縣知縣

高攀桂

崇禎三年歲貢任北直河間縣縣丞陞山西臨縣知縣未任

王效魯

崇禎五年歲貢除授扶風縣訓導陞蓋屋縣教諭

郝敬

崇禎七年歲貢

皇

清御極錄用除授河南彰德府經歷陞旗手衛兼濟川衛經歷尋陞光祿寺大官署署丞立身當官敬慎不苟逢

單

恩請封卒於京邸子培基援例領勅令馳驛扶柩回籍

高爾見

崇禎七年歲貢任北直元城縣縣丞

石一崗

崇禎十一年歲貢任北直景州訓導

白光嶽

崇禎十三年歲貢澹泊明志

皇清

張魯崇禎十五年歲貢
王林昌崇禎十七年歲貢

袁爾成

順治二年貢監任山東臨清州判官

毛鳳彩

順治二年恩貢任西安府三原縣教諭

張可薦

順治二年歲貢任邵陽縣訓導陞咸寧縣教諭

張調鼎

順治四年歲貢任西安府永壽縣訓導陞山丹衛教授復陞直隸安州判官裁缺候補

段肇瑛

順治五年拔貢除授江南泰州判官未任卒

王恂

順治六年歲貢任西安府涇陽縣訓導陞鞏昌府兩當縣教諭

張鉉

順治八年恩貢考通判職改授江南鎮海衛經歷

馬任遠 順治八年歲貢除授漢中府西鄉縣訓導陞臨洮府河州學正

袁爾佳 順治十年歲貢除授鳳翔府扶風縣訓導陞西安府三原縣教諭

張 鏞 順治十二年拔貢

郝振麟 順治十二年歲貢除授鳳翔府扶風縣訓導

王 拯 順治十四年歲貢

高美胤 順治十六年歲貢

馬任久 順治十八年恩貢

馬任大 順治十八年歲貢

年歲貢

明

趙 志 任直隸徐州吏目

馮 淵 任直隸阜城縣主簿

楊 威 任大同衛經歷陞山東膠州同知父文告以子貴贈徵仕郎

馬 文 任直隸休寧縣三尹陞直隸豐潤縣二尹復補山西和縣二尹

曹 珍 任河南中牟縣縣丞陞順天涿州判官

馬騰雲 任山東青州府檢校

趙尙魁 任直隸無錫縣二簿

馬 隆 任鴻臚寺序班陞鳴贊受勅封復陞山西廣日縣知縣

王禎 任湖廣武昌府昭磨

曹大經 任鴻臚寺序班陞山西路州縣縣丞

劉遇治 接例授鴻臚寺序班

以上俱成化正德嘉靖等年任

石懷瑾 任江南鳳陽縣主簿

高昌胤 任武英殿中書科舍人加大僕寺少卿銜受勅封

馬伯高 任直隸武清縣主簿

王慎

馬鳴鸞

張奇瑾

以上俱崇禎年接例任

清

例監無

孝行

明

馬閏

天性純孝痛父早亡廬墓三年然後及竭力養母承歡順志皓首蒼顏猶效與嫻故事以邀親悅母年九十終哀毀骨立塋祭以禮廬墓號泣聞邑稱爲孝子

王一清

邑庠生母早亡事繼母趙氏與生母等妻劉氏亦孝刑于被化里人效之學使者拔士諭諸生於恭

面各書其生德行實蹟邑庠生感註一清孝行生
樣余無異同學使壽之遂給匾以旌日孝行著聞
劉正名 著年失怙母孀居正名善事之以孝行著聞弟正
氣齒甚稔正名撫育成立誓以紫劑不分母志大
慰曾經題給冠帶榮身 邑庠生劉有源其子也

呈清

王光胤

一清之仲子也邑庠生事母孝昏定晨省菽水承
歡恒毋病光胤情香告 天願以身代母病劇醫
者疹厥症未審光胤嘗其語醫察之至誠感格母
病遂痊享年九十始奉光胤哀毀骨立廬墓號泣
邑令旌其門 云是父是子

貞烈

袁氏

生員曹仁妻家徒四壁夫歿氏年二十四歲二
皆在襁褓中仁兄欲強之嫁氏饒詞斥之

貧之死靡他撫養二子皆成立松筠彌堅邑人嘆

張氏

邑民王紀妻年十九歲夫亡其子世實在遺腹中
氏誓不改嫁日以產男祝 天果產男氏且勤
斯育子成立事姑孝承勸勵志竭力奉養如採樵
汲水皆躬親之姑歿氏奉子世實哭泣哀毀稱貧
營奉事代 夫有終

曹氏

邑庠生楊一元妻知縣曹以繼宗女一元疾在膏肓
無起色氏誓以死殉一元卒氏自經家人覺而救
之始甦氏仰天號泣飲令不入口者七日遂卒時
氏年甫二十歲矣月且重之

高氏

邑民馬萬選妻兵亂避居馬家店寨崇禎九年賊
圖寨寇之氏偕家人扶柩姑母與姑出寨賊阻之
刃其祖姑母與姑擄氏氏厲聲罵賊不屈賊強掖
氏上馬氏跳下復掖氏上馬氏復跳下如是者數
次賊不獲已將氏仍掖上馬用繩接連鞍轡以縛
之氏行至軟隘小徑伸手將所縛之繩絕斷大罵

死賊一降通馬拖落崖下立時蓋粉賊衆相顧駭

馬氏

邑民張璋妻年十八歲夫亡腹有孕氏每夜對天焚香祝曰願產男以主宗祀果產男氏將男鞠育長大始質氏亦登家氏尤善事之孝孀親撫嬰兒備歷辛勤名稱女士

高氏

邑民楊廷春妻年二十六歲夫亡遺二孤長子五歲仲子一歲氏誓不他適事厥姑鞠二穉克全孀節

溫氏

邑民袁奉江妻年三十歲夫亡遺孤袁邦賢甫七歲氏爲夫守義育穉子稍長教以讀書後邦賢補弟子員保衛住爾成薦明經爾僑選子於魯孫京冲年遊費以才學名皆氏和丸訓嗣之力也氏享年大耋邑令郡守與家書誦之

皇清

郝氏

邑民高爾光妻明馬湖將太守郝正芳之仲女也年二十一歲夫亡遺子高士弘三歲氏矢志鞠育

凡有宦裔貴族托烟灼至氏即正色叱去棄姑育釋歷二紀如一日姑亡竭力養之孀子士弘成立今年三十歲以延故夫香火

段氏

邑民高隆胤妻年二十二歲夫亡遺二子皆幼氏苦志守節育二子均成立今氏年五十歲閨範肅然邑婦化之

人物志總論曰人材之生不擇地固無分於邊腹也景彼

往詰若高李二公一以徵聘奮迹一以明經起家當年皆

績著其棠望隆梓里至今紀之猶於汗青書卷號焉繼此

而起者有劉張石馬四先生倡明道學力挽時趨後先接

武人材之產不亦盛乎孝子節婦嘉言懿行上下數百年

間屈指不之又曷非諸君子之興起教化而邑人足則是
儆耶余故悉載之以備後之採風者

災祲志

明

天啟元年境內地震有聲○崇禎六年境內有暝○崇
禎十三年歲荒斗米八錢饑民無食掘草根啖樹皮甚至
易子拆骸人將相食餓殍載道僵屍遍野鄙俗難繪

皇清

順治十七年大水

災祲志總論曰旱蝗諸災何代蔑有所恃以積誠感格挽
回天變者惟良邑令是願邑令宰此一方九一政之失即
違天意一民之瘁亦干天和天人相與之際甚可畏也司
牧者盍弗講敬天勤民之義乎古人為令虎渡河蝗不入
境其化莫不由此若夫修祈禳救之說非本論也

藝文志

題咏

碑記

題咏

小瞿唐

二四張 璞題
清澗白乃建錄

流沫跳珠落派長沿綠幽澗壓重岡雷聲不斷一川雨寒

色驚飛五月霜見說仇池通小有未應畏壘接瞿唐年來
自脫風波地清慶時時到故鄉

劈開翠峽縱長鯨轉石奔雷意未平百折難迴歸海勢千
絲爭聽落洪聲鷓鴣好擊天池翼象馬虛傳蜀道名我欲
携琴清俗耳肯教流水亂秦箏

重修北門城樓

清澗山乃建題

巖城樓聳倚巔屹丹雘維新自壯觀山擁煙光連睥睨水
摧日色上欄干遠沙鴻雁驚雲起近郭耕樵隔樹看公幹
才高應有賦肯教王粲擅詞壇

建蒿岔峪舖

邑拔貢生張麟題

荒村通驛路古道出山墟結構新官舍馳驅憇使車其棠
昔所詠廣廈此何如撫字勞心者厝安在比間

營泮池

邑恩貢生馬任久題

延川循良宰經營百堵新善教敷德教化兩溲芳春半壁
芹生綠園橋鯉躍鱗人文沾

聖澤從此啟荒屯

延水關記

邑令劉

毅

戊戌作

邑之東南六十里地名延水關者古渡口也兩峯壁立巨

泓中流東則晉之狐譚西則秦之古臨在晉秦晉皆設關
戛戍號稱隘口余於戊戌秋驅車省歛憇其下適有弟子
員毛子鶴馮子國召來謁余余留飲命庖人進松醪酒烹
綠頭公子洗爵奠尊飲之食之二子以酒力弗勝辭余去
維時爲七月之望夜靜更深水色天光瀰漫四映余佇立
河干瞻眺徘徊萬感交集潛焉出涕遂不覺臨流嘆曰黃
河有四大折余里定羌軍卽河之山南勝州一折所經者
余在里無日弗見黃河今以職守匏繫不得目擊者七載
餘溯洄從之道阻且長安得不爲泣下如是悲嘆者久之
頃更余拭淚隨命役染炬余走筆以記

藝文志總論曰士先器識而後文藝者迺先儒責實之意
究竟文章事功原相表裏無二理也余纂志例錄文以載
命子衿輦遍抄碑記獲詩五首彙諸集中再以余之記延
水關者附之余思前後諸君子之題咏備極敲推皆金薤
琳琅之篇如余之記不過折轍線手耳輒謬列於諸君子
之後他日必有嘲余以刺員呈手藝者余曷敢辭

延川縣志卷之終

後序

余於暮春纂志成臯月授梓旣望剗厠事竣梓人以較訂請余披帙誦之而深愧是集之未備也余尙擬增補缺畧以成鴻編頃聞

命量移牟城馬首東行航帆
南掛計日匪遙五情萬端
真不自知其從何處訴起
也遂不遑再爲引觚事祇
將志成巔末悉書之以備
考云

順治辛丑夏知延川縣事
陞廣東廣州府建州知州
劉毅再序



Large stylized watermark characters, likely '圖書' (Library/Book).

Small square seal impression in seal script, likely a library or collector's mark.

Main text area containing several columns of faint, illegible characters, possibly bleed-through from the reverse side of the page.

